

رواية

# عمق مذكراتي

الجزء الأول  
من سلسلة العنقاء

لم تكن طعنات عادية  
كانت خيانه

أسماء محمد

# عمق مذكراتي

الجزء الأول

من سلسلة

العنقاء

2020

أسماء محمد

# إهداء

لعائتي الجميلة .  
ولتلك الفيروزية الثمينة ...  
لحلم بعيد أتمنى أن يتحقق.



# الكاتبة

الحياة ليست عادلة ...  
بتاتا.

فى عمر الرابعة ...  
بكاء صامت حالة من الزهول فراق مكتوب له الحدوث  
ابنتان جالستان فوق رأس واحد..  
بكاء مرير حالة لا يحسد عليها .  
زوجة الابن تبكى بصمت داخل مطبخ الشقة .  
شقتنا أنا وأمى وأخى وجدتى العزيرة .  
جدتى ...! أين جدتى .؟

نائمة كملاك سماوى بطوق ذهبي  
لما البكاء يا عمتى أيبكى على نائم لأنه أراح جسدة قليلا!؟  
كم أن أمركم حقا عجيبا.  
يوم الجمعة أبى يصلى كالعادة بجامع شارعنا  
أخى لا يزال نائما ...  
لا زلت لا أعلم يا عمى لما البكاء ...  
مر الوقت سريعا لم أستطع ان أدرك الامر .  
ولكننى كنت طفلة صغيرة لم تمنحونى فرصة لتوديعها.  
كانت أمام عيناى ولم أتجرأ توديعها .  
ظننتها نائمة لم أكن متداركة الموت بعد.  
نصب الصوان وتعالى صرخات النساء ..  
مر العزاء ولا زالت ظانة ان جدتى ذهبت الى بيت عمى كما أعتدت  
ولكن الحقيقة تبينت بعد عدة اشهر حين طال غيابها .  
رحلت عزيزتى عن الدنيا.

**صدقة لموتانا وموتى المسلمين**  
**سورة الفاتحة**  
**بِسْمِ اللَّهِ الرَّحْمَنِ الرَّحِيمِ**

بِسْمِ اللَّهِ الرَّحْمَنِ الرَّحِيمِ ﴿ ١ ﴾ الْحَمْدُ لِلَّهِ رَبِّ الْعَالَمِينَ ﴿ ٢ ﴾ الرَّحْمَنُ الرَّحِيمُ ﴿ ٣ ﴾ مَالِكِ يَوْمِ الدِّينِ ﴿ ٤ ﴾ إِيَّاكَ  
نَعْبُدُ وَإِيَّاكَ نَسْتَعِينُ ﴿ ٥ ﴾ اهْدِنَا الصِّرَاطَ الْمُسْتَقِيمَ ﴿ ٦ ﴾ صِرَاطَ الَّذِينَ أَنْعَمْتَ عَلَيْهِمْ غَيْرِ الْمَغْضُوبِ عَلَيْهِمْ وَلَا  
الضَّالِّينَ ﴿ ٧ ﴾

**صدق الله العظيم.**

بسم الله الرحمن الرحيم  
السلام عليكم ورحمة الله وبركاته  
كاتبة بعمر ال 16 تهوى القراءة .  
تعانى من بعض الاضطرابات النفسية  
ولكن لا بأس لازالت على قيد الحياة  
أنتبه!

فتلك الرواية تحتوى من الغموض والاثارة ما أكثره!  
أظن ان الرواية أيضا تحتوى على مشاهد نفسية  
لذا كل ما عليك حين تقرأ تلك الرواية ان تغمض عينيك  
مستعدا لخوض تلك التجربة  
بمفردك أنت بطل الرواية والأخرون أصدقاؤك  
أتمنى لكم قراءة ممتعة  
وأتمنى ان لا تتعمقوا بداخلها كثيرا فالامر مخيفا  
بعض الشئ



رواية

عمق مذكراتي

الجزء الأول

من سلسلة

العنقاء

2020

! يا صباح الخير

... الساعة الثامنة بتوقيت القاهرة

جلست بجانب كرسيها كالعادة لتقوم بالضغط على المذياع

غمض عينيك و ارق بخفة و دلع الدنيا هي الشابة و انت "

الوردية تشوف رشاقة خطوتك تعبدك لكن انت لو

بصيت لرجليك .... تقع

عجبي

!!

في هذا الصباح الهادئ والجميل والرائع لا يسعنا الا ان  
نتقدم اليكم بصباح الخير لأهل الخير وهداة البال ورضا الله  
والوالدين نترككم الآن بجولة صباحية لبلدتنا مع الصوت  
الهادر

(فيروز) يا طير

يا طير يا طير على أطراف الدني  
لو فيك تحكي للحبايب شو بني  
يا طير روح اسألن ع اللي وليفو مش معو  
مجروح بجروح الهوى شو بينفعو

..  
ركضت خلفا لتتعمق بأمور لا تريد ان تتعمق بها  
. ولكن هيهات فهكذا يفعل بها عقلها  
ها نا استيقظت لابدء رحلتى المعتادة

...  
الى عملى المعتاد لاقابل اشخاص اعتدت مقابلتهم اى اننى  
انا الشخصية المعتادة

,بحياتى المعتادة.

الثلاثاء يوم رائع فى الحقيقة ادهش كثيرا حين اعلم ان هناك

اناس لا يحبون الثلاثاء

امر مدهش بالنسبة لى

. انا امرأة عاشقة لرقم ثلاثة وبالكاد اعشق ما يعبر عنه

حسنا حسنا لن اطيل فى الكلام يجب ان اذهب الى عملى

لامارس حياتى المعتادة

... دلفت حجرة الطعام شارعة بتناول فطورى

صباح الخير:

صباح النور:

صباح النور:

اوف شكشوكة دى صح:

اها يا ستى شكشوكة مخصوص ليكى:

تسلم ايديك:

الله يسلمك يا روحى يلا كلى بسرعه عشان متتأخرىش:

حاضر حاضر:

العربييه بتاعتك جت من الوكالة :

الحمد لله بجد كنت عايلة هم ركوب التاكسى ريحتنى:

سوقى على مهلك كفايه حادثة اخر مرة مش عاوزين :

حوادث تانى

تو تو انا حرمت خلاص:

اتمنى ما تعمليش حوادث تانى انا اصلا بدورك على سواق :

فاسترى لحد ما الاقى واحد

ههههه هستر حاضر يلا بقا بالهنا انا ماشية تسلم ايد ماما :

هانم على الشكشوكة

ميرسى يا روحى ربنا يوفقك:

اللهم امين يلا سلام يا حاج:

مع السلامة خدى بالك من نفسك:

حاضر:

.....بها تركت المنزل متجهة الى جراش العربيات لالتقى  
سعاد حبيبتي سعاد كم اشتقت رؤيتكى  
سعاد كانت تتميز بلونها الاحمر الداكن زجاج لامع ومرأة  
....اكتر من رائعة عربتي الجميلة سعاد  
.احتضنتها مهرولة لاجلس بكرسي القيادة متجهة الى العمل  
في الطريق

قمت بتشغيل اغنية نسم علينا الهوى

ظللت اغنى حتى رن هاتفى

فريد: وصلتى ولا لسه

لا لسه موصلتش عاوز حاجه ولا ايه :

فريد: اها كنت هقولك متنسيش ان عمرو جاي البيت بليل

بغيص: ما يجى اعمله ايه انا يعني

فريد: تيجى بدرى بس كدا

بنرفزة: لا مش هاجى بدرى ولا هاجى اصلا طول ماهو

فالببيت

فريد: ..... متعصبينش واسمعي الكلام

بعصبيه: لا مش هسمع انا اصلا قلتلك انى مش عاوزه

اشوفه تقوم تجيبو البيت

فريد: هى كلمة تيجى بدرى علشان تتكلمو

بابا انا وهو مفيش كلام بينا اساسا علشان نتكلمه :

فريد:..... الساعة ه تكونى فالببيت

بابا انا مستحيل اقبلو بعد الى حصل دا:

فريد:المسامح كريم يا بنتى

لا انا مش مسمحاه ومش هسامح:

فريد:.... الساعة 5 تكونى فالببيت ومش هكرر كلمتى تانى

ابدا

بابا لا يا بابا ايه دا! اه لا لا اعاااااااااااا :  
فريد: ..... بنتى فى ايه يا بنتى ردى عليا مالك فى

..... فى المستشفى

المريضة: مميم

المرضة: دكتور شكل المريضة بتفوق

المريضة: امممم ان... ف... ان

دكتور مهاب: مدام حضرتك سمعانى

المريضة: مميم

دكتور مهاب: لو سمعانى هزى راسك

المريضة هزت راسها

المرضة: اركب المحاليل دلوقتى

المريضة: ان.. انا..؟! ف.ين

دكتور مهاب: فى المستشفى

المريضة: مس مستش فى

مهاب: اه حضرتك فالمستشفى

مهاب: مدام ممكن اسم حضرتك

المرضة: اسمى ان اسمى ايه

مهاب بأسى: مدام حضرتك مش فاكرة اسمك ايه..... طب

فاكرة احنا فسنة كام

المريضة: 2000 او 2001

مهاب بحزن: طيب خلاص هسيبك ترتاحى ونتكلم بعدين

المريضة: مميم ماشي

المرضة شرين: اتفضلى الدوا بتاع حضرتك وشوية

وهاجى

خرجت الممرضة والطبيب

مرت دقائق عديدة لا اعى شيئا حتى تداركت الموقف

إمن أنا؟  
جلست انا بمفردى  
لا اعلم من انا اى لا اعلم ما اسمى لا اعلم كم عمرى لا اعلم  
.....من احضرنى الى هنا؟  
حقا من احضرنى ؟  
ألا أهل لي  
!الأقارب؟أصدقاء  
من أنا حقا ..من أكون  
دلفت الحجرة الممرضة بيديها صينية الفطور  
الممرضة شرين :لازم تاكلى الفطار كامل عشان ما نحتاجش  
المحاليل ودكتور مهاب يجى يطمئن عليكى  
المريضة :حاضر بس قوليلي مين جابنى هنا  
شرين :احم انا مش عارفه بس دكتور مهاب ممكن يكون  
عارف لما يجى ممكن تسأليه  
المريضة:طيب مفيش اى حاجة كانت معايا  
شرين :كان فيه شنطة تقريبا هبقى اجيبهاك وانا باخد  
الفطار  
المريضة :طيب معلش اخر سؤال  
شرين :قولى عادى  
المريضة :هو انا محدش سال عليا خالص  
شرين :لا مفيش  
المريضة :ممم فهمت  
خرجت شرين لتتركنى احتسى طبقا من الشربة الساخنة  
... وافكر  
بحالتى تلك من كنت  
وهل لى ام واب بالتاكيد هم فى حالة لا يحسد عليها الان  
حضر دكتور ليطمئن على حالتى



المریضة :انا عملت حادثة ؟  
مهاب:مش عارف صدقینى هما جابوكى ومشیو وانا بلغت  
الشرطة بس لما انت فاقدة الزاكرة فانا قتلهم مفیش داعى  
لمجیتهم غیر لما تفتكرى  
المریضة :مممم طیب انا فین دلوقتى  
مهاب:ههههه على اساس لو قتلتك هتعرفى  
المریضة :لا مش هعرف بس اهو قولى وخلاص  
مهاب:انت فمستشفى ..... ها عرفتیها  
المریضة بضحك:لا معرفتش  
مهاب : اول جلسات علاجك هتبقى انهاردة تحبى الساعة كام  
المریضة :مش هتفرق  
مهاب :الساعة 5 كویس  
المریضة :كویس  
مهاب :طیب مدام مارجیت هتیجى تعملك الجلسة اتمنى تفتكرى  
بسرعه  
المریضة:یا یریت  
مهاب :انا هاروح اشوف المرضی الباقیین  
المریضة بابتسامه :طیب اتفضل  
خرج مهاب لتدلف شرین لتاخذ صینیة الفطور  
شرین :شویة وهاجى ارتاحى لحد ما اجیلک بالهنا  
المریضة :جبتلی حاجتى  
شرین :هجیبهم وانا جایه  
المریضة :شکرا  
شرین :شکرا على ایه دا واجبى  
خرجت شرین لاظل انا بنفس حالتى منذ فتحت عینای  
مرت بضع دقائق حتى عادت شرین بیدها شنطة صغيرة اعطنی  
ایها لأمسک بها وكأنها طوق نجاتى من هذا الوضع  
قمت بفحصها انشا انش ولم اجد ما یثبت من انا  
ترکتها باهمال على الكرسي بجانبى لانظر الى الهاتف بتمعن شدید  
احاول ان اتذکر شیفة الفتح ولكن بلا جدوى لا استطيع

شرين بحيرة : هو الموبايل فيه خط  
المريضة : تقريبا  
شرين بفرحه : يبقى تاها ولقيناها هاتي الخط حطية فموبايلي  
واتصلي بالارقام الى عليه  
المريضة بامل : ماشي  
اخرجت الشريحة لتقوم بوضعها بهاتفها ولكن  
شرين بحزن : مفيش ارقام متسجلة على الخط  
المريضة : طيب خلاص بقا نصيب  
شرين : بس احنا هنخليه على تليفوني لحد ما حد بتصل عليكى  
ووقتها هنعرف اهلك  
المريضة : طيب ماشي  
خرجت تاكرة الهاتف بحوزتى  
مرت 3 ساعات متواصلة انتظر ان يرن هذا الهاتف اللعين  
بلا جدوى لم يعرنى احد اهتماما يبدو اننى لا امالك عائلة  
دق باب الحجرة معلنا عن قدوم الدكتور مهاب  
مهاب : ها ايه الاخبار  
المريضة : تمام كويسه الحمد لله  
مهاب : مارجيت جت تشوفك  
المريضة : طيب  
مهاب بتساؤل : مستعدة؟  
المريضة : مم مستعدة  
مهاب : طيب هطلع اقولها تدخل واسيبكو تتكلمو مع بعض ان شاء  
الله هتفتكرى كل حاجه  
المريضة : ان شاء الله  
خرج مهاب لتدلف مارجيت  
مارجيت : مساء الخير  
المريضة : مساء النور  
مارجيت بابتسامة : جاهزة؟!  
المريضة اومات براسها نعم  
مارجيت : طيب الاول هنبدا بحاجه بسيطة جدا .....

مرت ساعة كاملة منذ قدوم مارجيت  
رن منبة هاتف مارجيت  
مارجيت: مميم الجلسة خلصت انا هاجى بكره فنفس الميعاد  
ونفس المدة وعاوزاكي تعملى زى ما علمتك طول الوقت عشان  
تقدرى تفتكرى بسهولة  
المريضة بابتسامه: حاضر  
مارجت مقبله المريضة: باى اشوفك بكره  
المريضة: باى  
لم استطع المكوث اكثر من ثلاث ساعات استسلمت للنوم

فى الصباح الباكر مع اشراقة شمسنا اللامعة بدأت اتململ  
بسريرى لاتهيا لبداية يوم جديد  
شرين: صباح الخير  
المريضة: صباح النور  
شرين: عاملة ايه انهاردة  
المريضة: كويسة الحمد لله بس لما هفتكر هبقى كويسة اكثر  
شرين: طول ما انت متفائلة هتبقى كويسة  
المريضة بتساؤل: هو محدش اتصل عليا  
شرين: لا للأسف الخط بتاعك موقوف عشان كدا محدش قدر تصل  
المريضة: يا الله ايه الحظ دا  
شرين بحزن: معلىش مترعليش كله مقدر ومكتوب  
المريضة: طيب ماشي بس انا دلوقتى لما هطلع من هنا هاروح  
على فين  
شرين بتفكير: ان شاء الله هنلاقى حل متخافيش وسيبها على الله  
المريضة: ونعم بالله بس نا لو عندى ام اكيد ماتت من خوفها عليا  
شرين: ان شاء الله هتفتكرى وربنا هيجمعك باهلك عن قريب ان  
شاء الله  
المريضة: ان شاء الله  
شرين: كان فيه كتاب كبير فالشنطة تحبى اجيبهولك

المریضة: اها هاتیه اهو یسلینى  
شرین :طیب هاجیبة مع الفطار هتعوذى حاجه اجبهالك معایا وانا  
جایه

المریضة: لا شكرا جدا بس هو دكتور مهاب فین مشفتوش یعنى  
دلف مهاب مبتسما

مهاب: بتجیبو فسیرتى لیه ها  
المریضة: صباح الخیر یا دكتور لسه كنت بسأل علیك  
مهاب بهزار: وحشتك صح؟  
المریضة بدهوة: نعم !

مهاب بضحك: قولى قولى متتكسفیش  
المریضة بابتسامة خجل: انا اتعودت اصحى الاقیک  
مهاب: انا جیت متأخر انهاردة الطریق زاحمه جدا فوق ما تتخیلو  
المریضة: ممممم طیب حمدلله علی سلامتک بقا  
مهاب بضحك: الله یسلمک مارجیت قالتلى انها هتجیلک کل یوم اول  
مره تحصل دى

المریضة: انا حبیتها اوى  
مهاب بهیام: واحنا کمان  
المریضة: وانتم کمان بتحبوها دى محبوبه اوى بقا  
مهاب: لا انا قصدى وحنا حبیناکى

المریضة بخجل: ممم میرسى  
مهاب: انت ملقتیش اى حاجه تثبت انت مین او تعرفک بنفسک  
المریضة بحزن: لا للاسف لا

مهاب بأسف: خلاص متزعلیش ممکن نسمیکى الاسم الی تعوزیه  
المریضة: مممم فکره کویسه بس اختارو انتم عشان متصدمش  
لما افکر اسمى الحقیقى

مهاب بهیام: انا متأكد ان اسمک جمیل جدا  
المریضة: شکرا  
مهاب: جمیلة  
المریضة بخجل: ها

مهـاب :اسمك جميلة من هنا ورايح دا اسمك اتعودى عليه مع انى  
متأكد انك متعودة الناس ينادوكى بالاسم دا  
المريضة بتوتر واضح:شكرا جدا  
شرين بلوم:بس شفتى دكتور مهـاب سماكى اسم يلىق عليكى  
ازاى  
المريضة :احم انا هفطرامتى  
شرين :هههه حاروح اجيب الاكل واجى  
مهـاب بنحنحه:جميلة  
جميلة :ها انا  
حميلة :اها قلتك اتعودى  
جميلة :مهم حاضر  
مهـاب :جميلة انت محلمتيش باى حاجة خالص من امبارح  
لانهاردة  
جميلة:لا خالص محلمتش بس ليه السؤال دا  
مهـاب:احيانانا الاحلام بتبرمج الواقع وفى حالتك ممكن تكون حاجة  
من ماضيكي  
جميلة بلهفة :فعلا  
مهـاب :انا قلت ممكن مش اكيد  
المريضة بتفهم :اها ماشي هى مارجيت هتيجى فميعاها مش كدا  
مهـاب:اها  
جميلة :طيب انا اول ما صحتى هتتحسن اكيد هتخرجونى من هنا  
مهـاب :اها للاسف  
جميلة:طيب انا هاروح فىن دلوقت يعنى  
مهـاب :انا هتصرف متتعبيش انت نفسك فى التفكير فالموضوع دا  
ركزى على انك تفتكرى  
دق الباب لتستئذن شرين الدخول  
شرين:انا جبنتك الفطاروالكتاب اهو  
جميلة :طيب هفطر وابقى اقرأ منه شوية  
شرين:ماشي بس جميلة شوفى انت بعد الفطار هتركبى المحاليل  
وانا مش هكون هنا

مهـاب متدخـلا: انا هر كبهولها متقلقيش  
شرين بلؤم: لا لو انت الى هتركب يا دكتور فمفيش داعى للقلق  
انت ايدك حنينة انا عارفه  
وضحكت وخرجت  
مهـاب :جميلة انت كان معاكى حاجات  
جميلة :اها بس ملقتش حاجة مهمه يعنى محفظه وموب مخط  
اتوقف بس كدا  
مهـاب :اها للاسف مفيش بطاقة بس متقلقيش انا اى حد بيجى  
يسأل عن حد بجيبه ليكى ع طول  
جميلة :هو فى حد جه  
مهـاب :اها امبارح جه واحد وانت نايمه بس طلعت مش انت  
جميلة :اها طيب  
مهـاب:هسيبك تفتطرى وشوية واجيلك اركبك المحاليل  
جميلة بابتسامه :طيب  
خرج مهـاب وشرعت بتناول فطورى ولكن حين وقع عينى على  
الكتاب أنتابنى شعورا غريبا  
أشعر بهمسه وصوته الهادئ  
أنا اسمعه ينادينى لافتحه .....

.....

نفضت تلك الفكرة العابرة حتى انتهيت من طعامى  
جلست منتظرة حضور مهـاب

....

مللت الانتظار فمددت يدي لالتقط الكتاب  
كان كتابا غريب بعض الشئ غلافه أسود اللون  
مكتوب بخط اليد  
ولكنه مطبوع أى لاحبر بالكتاب  
أنه يبدو كرواية مرعبة ....

فتحت الكتاب لاجد الصفحة الاولى فارغه  
قلبت الى الصفحة الخلفية لاجد اسم واحد فقط مكتوب فى  
منتصف الصفحة

ناريمان

نظرت للصفحة المقابلة لاجد مكتوب

**يوم الثلاثاء الموافق 1999/5/4**

"اليوم يوم ميلادى, اكملت ال16 من عمري لم اشعر بالعمر  
يجرى كما انا اشعر الان  
قررت من ثلاثة اشهر ان اشرع بكتابة مفكرات , فوجدت انه  
من الافضل ان ابدء من يوم ميلادى , منذ اصبحت ابغ ال16  
من العمر , الان ارحب بوريقات مذكراتى السوداء النقية  
فانا ساشرع بكتابة ما يحدث بحياتى."

أخشى أننى سأبدأ بقراءة حياة شخص ما...

عاد مهاب ليركب المحاليل

مهاب : انت بتقرى كتاب

جميلة : اها رواية بس شكلها غامض اوى

مهاب بتساؤل : اشمعنا يعنى

جميلة : اصل الرواية دى على شكل مذكرات

مهاب بشك : غريب اول مرة اشوف رواية على شكل مذكرات

جميلة : انا شايفه انه عادى

مهاب : دا عادى بس انا استغربت انه موجود روايات مصرية

كدا

جميلة : مممم شكلها ملفت للنظر و غامض اوى

مهـاب: شكك بتحبى الغموض  
جميلة :مش عارفه بس تقريبا كدا بحبه  
مهـاب:طيب دى حاجه حلوه على الاقل عرفتى انك فى حاجه  
معينه بتحبيها  
جميلة :ممكن اكون بحبها وانا جميلة لكن فى الواقع مكنتش  
مهـاب:نظرية بردو بس لو الرواية دى عجبك متبخليش  
عليا وهاتيهاالى بعد ما تخلصيها  
جميلة :بتحب تقرا الروايات  
مهـاب:جدا بتسلىنى  
جميلة :انا بردو بحب الروايات جدا  
مهـاب :وانت جميلة ولا فالواقع  
جميلة بضحك:وانا جميلة  
مهـاب :منا عارفه انك جميلة  
جميلة بكسوف:احم هو شرين ليه مشيت  
مهـاب :هتروح مستشفى تانية هى بتشتغل فكذا مكان  
جميلة:ممم طيب  
مهـاب :انت بتسالى عنها ليه هو انا مش مالى عينك ولا ايه  
جميلة :لا مش قصدى بس انا اتعودت عليها اوى  
مهـاب :انت بتتعودى على الناس بسرعه اوى  
جميلة:اها بس ممكن لانى معرفش غيركو فمتعلقه بيكو  
وكدا

مهـاب بحب:واحنا كمان متعلقين بيكى  
جميلة :ها انا كنت عاوزه اعرف انا جيت هنا ازاي  
مهـاب :انا قلتلك الناس جابوكى ومشيو تانى  
جميلة :انا قصدى كنت عاملة حادثة سير ولا ايه بظبط  
مهـاب :بصى انا مكنتش عاوز اقولك لانك كنت فحاله صعبه  
اول ما فقتى كنتى عماله تزعى ومكنتيش مرتاحه نفسيا

جميلة :انا متى دا  
مهاب :اول ما فقتى وبعدها نمتى صحيتى الصبح امبارح بعد  
غيبوبه 3 اسابيع

جميلة بخضة :غيبوبه 3 اسابيع بحالهم  
مهاب :اها غيبوبه وهى تقريبا السبب فانك تنسى واضح  
انك اتعرضتى لضغط نفسى جامد انا اظن انك كنت فاكرة بس  
لما نفسيتك تعبت عقلك اتدخل و عملك فورمات للذاكرة  
جميلة :طيب انا لما فقت مندتش على حد ولا قلت اسمى ولا  
اي حاجه

مهاب :انت كنت عماله تصوتى وبتقولى كلام مش مفهوم  
وبعدها عطيناكى مهداودخلتى فالغيبوبه فقتى ناسية انت  
مين

جميلة :طيب الحمد لله على كل حال يمكن يكون النسيان  
افضل ليا

مهاب :يمكن ربنا اعلى واعلم بس ع فكرة انت هيجيلك وقت  
وتفتكرى كل حاجه لانك ناسية بس من الصدمة مش لاي  
سبب تانى

جميلة :طيب كله ليه وقت وان شاء الله خير

مهاب :هسيبك انا بقا

جميلة :ماشى

خرج مهاب فعدت مرة اخرى الى الرواية الغامضة  
حقا انها تناديني أشعر أنها كانت روايتى المفضلة  
فى الصفحة الثالثة من الرواية

**اليوم الاربعاء 1999/5/5**

"كان يوما غريبا ظللت اطوف بغرفتى ذهابا وايابا وانا افكر  
كيف يمكن ان يحدث ذلك

البارحة كنا اولاد عم واليوم سيتم زواجنا كقرار عائلتى

وليس الا

كان امرا فريدا من نوعه مخيفا وبه بعض الغرابة"

اغلقت الكتاب بعد نهاية قراءتى للصفحة الثالثة  
شرعت شرين بالدخول وببيديها صينية الغداء  
شرين: انا جتلك مخصوص انهاردة اتعودت عليكى خلاص  
جميلة: انا كمان اتعودت عليكى جدا لدرجة انا نفسي  
مستغرباها

شرين: القلوب عند بعضها  
جميلة: الرواية دى طلعت جنان انا قرئت اول 3 صفح بس  
حاسه انها مش اول مره اقراها  
شرين: ان شاء الله تكون سبب فانك تفتكرى  
جميلة: يارب مبقاش كتير على ميعاد مارجيت  
شرين: اها فاضل ساعه بظبط وتيجى  
جميلة: كويس انا عملت كل الى قالتة مستنية الجديد  
شرين: ان شاء الله هتفتكرى  
جميلة: يارب

شرين: يلا بقا اتغدى وشويه هاجى اخذ الصينية واديكى  
دواكى

جميلة: حاضر  
خرجت شرين فشرعت بتناول غدائى مرت نصف ساعه  
كاملة كم اصبح الوقت يمر سريعا  
قمت بفتح الكتاب مرة اخرى تعلقت بتلك الرواية وكاننى  
اعرفها  
الصفحة الرابعة

**اليوم الثلاثاء الموافق 1999/5/11**

"تم عقد قرانى على عمر بقرار عائلى صارم"

لا اعلم كيف يمكن ان يعيش المرء مع زوجه الذى اقترن به  
دون اختياره  
اصبحت الحباة بائسة منذ تم عقد قراننا  
لا انا ولا هو نريد ان نكون زوجا فى الدنيا لا احبنى ولا  
احببته يوما  
كان اخالى ليس الا  
اعلم انه يدعى انه سعيد حتى لا يكسر قلبى ولكن انا اعلم  
عمر جيدا هو ليس كما يبدو عليه انه حزين يشعر اننى  
فرضت عليه  
ولكنه كان قرارا عائليا لا بيدى ولا بيده ان نرفض مثله قرار  
"

اغلقت الرواية وانا اشعر بمشاعر غريبة وكأنى تخيلت  
اننى اكون بمكانها للحظة.

دخلت شرين لترفع الصينية وتعلن عن قدوم مارجيت بعد  
ربع ساعه من الان  
مرت الربع تلك وكأنها دهر كامل كنت اريد ان اقوم بفتح  
الكتاب لارى ما يحدث بالصفحة الخامسة ولكن.....  
مرت الربع تلك وكأنها دهر كامل كنت اريد ان اقوم بفتح الكتاب  
لارى ما يحدث بالصفحة الخامسة ولكن.....

دق الباب

مارجيت: مساء الخير

جميلة: مساء النور

مارجيت: وحشتينى

جميلة: وانت كمان

مارجيت: مهاب قالى انه بيناديكى جميلة اسم على مسمى فعلا

جميلة بخجل: شكرا جدا

مارجيت: ها قوليلي بقا بقيتي بتعملي التمارين زي ما قلتك ولا  
اهملتها

جميلة: لا عملتها كلها بس محصلش اى حاجة

مارجيت: مممممم يبقى هنغير كل حاجة ونعمل حاجة جديدة  
جميلة: طيب

مرت الساعة سريعا كالعادة الجلسة الثانية كانت اجمل من الاولى

فالتمارين اصبحت اسهل ومشوقة اكثر

مارجيت: يلا بقا باى هجيك بكره بدرى شويه

جميلة: ماشي باى

مارجيت: بالمناسبة مهاب مهتم بيكى اوى على غير عادته

جميلة: اها ربنا يكرمه

مارجيت: يارب ادعيه

جميلة: حاضر متنسيش تيجى بكره بدرى

مارجيت: هاجر هاجى باى

جميلة: باى

حلت الساعة السادسة مساء باقى

فتحت الرواية

الصفحة الخامسة

اليوم 1999/5/13

"حضر الغريب الى داري الان بت اعلم لما قرار

الزواج المفاجئ....

دلف خارجا بيديه النفيس ليرفه عن نفسه مقابل حطام احلامي  
لم اشعر بالضيق ابدا. بل شعرت وكأني أرخص من تلك القطعة

الذهبية فاعينهم جميعا "

....

كان الكلام عنيفا بعض الشيء فشعرت كأن الكاتبه تتحدث عن  
نفسها حقا  
كانت طريقة كتابتها للرواية صادقة بشكل لا يعقل  
احببت تلك الجملة.  
انها شعرت بالرخص فى اعينهم  
حسنا حان موعد العشاء  
تناولت عشاى واخذت العقاقير اللازمة وذهبت فى نوم اعمق من  
اى نوم من قبل

استيقظت لاجد نفسى بحديقة خضراء اللون  
اتجول وكأنى اعلم تلك الحديقة وكأنها حديقة منزلنا كنت ارتدى  
ثوبا غريب  
يشبه الفساتين العثمانية القديمة  
شئ يشبه ثياب الملوك والسلاطين  
دلفت بابا فى الحديقة لاجد قطة سوداء اللون تنظر الى نظرات  
مخيفة اغلقت الباب خائفة من نظراتها  
لالنف فأجد .....

القطة السوداء امامى فزعت حين رؤيتها كانت قطة مخيفة  
رجعت خطوات قليلة للخلف حتى اصطدمت بالباب  
فتحدثت وكأنها شخص اعرفه ايقنت انى اعلم صاحب الصوت  
ولكن لم اكن على قدرة لأميزه  
تخالطت مشاعر الخوف والتوتر والقلق احتلوا تركيزى  
ركضت مهرولة الى داخل المنزل المجاور للحديقة  
دلفت المنزل لاجد ارضية رخامية رائعة رمادية اللون  
تجولت بداخل المنزل فرأيت سلما يودى الى الطابق الثانى يوجد به  
خمسة ابواب كبيرة مغلقة  
تحركت خلف السلم لاجد غرفة مفتوح بابها  
....  
عودة الى الحاضر

فردوس :ماما...ماما

.....ها...أيوه

فردوس بلوم :ماما أنا قلتك مينفمش متاخذيش دواكى دا بياثر  
فيكى وأنت عارفه

.....:أنا سرحت شوية ونسيت الدوا خالص ..حاضر هاخده  
دلوقت أى أوامر تانية ..

فردوس بزعل:ماما انا مش بأمرك أنا بس مش عاوزاكي تتعبنى  
فأرجوكى متنسيش دواكى تانى لو سمحتى .

....:حاضر فريدة رجعت بيتها ولا لسه .

فردوس بضحك :أسكتى يا ماما دى فريدة جننتو على الاخر يا  
عيني وقعدت تقولى أعتذرلى انت الاول وكانت هتموته من الغيص

.....:هممم فريدة مبتسبش حقها هي كدا

فردوس بحزن:ماما انا شيفاكى بتسرحى كتير الفترة دى أحم يعنى  
اى رأى حضرتك لو ...

.....مقاطعة :لا مش هقابل دكتور ...

ملت الحديث بنفس ذات الامر انه مجرد معاناة من الماضى ليس  
الا

ولا أظن ان مقابلة الطبيب ستجعلنى اتغاضى عن الماضى

فهو ماضى لا يمضى الا ببركة قوية على الرأس بمضرب

البيسبول.....

لا مهرب من الماضى حقا لا مهرب .

مهاجرة مرة اخرى الى ماض لعين ...

دلفت الى داخل الغرفة فوجدت مائدة طعام مليئة بطعام رائع كم

كانت سفرة كريمة هانية

اجمل سفرة قابلتها

تناولت بعضا من الطعام وخرجت لاصعد السلم الى الطابق الثانى

دلفت الباب الاول

لاجد غرفة نوم تتميز بالاناقة والرقى

خرجت متجهة الى الباب بجانبه

دلفت داخل الغرفة المجاورة لاجد سريران بغطاء حريرى لونهما

اخضر

خرجت استغرب كم شخص يسكن بهذا البيت ليملكوا ثلاث اسرة  
ولكن ما اصابني دهشة اكثر انه توجد عرفة اخرى بها سريرين  
وغرفتان فى آخر الطرقة يتواجد بداخل كل منهما سرير  
اذا يسكن بهذا البيت ثمان افراد  
يبدو انه بيت عائلة

هبطت للاسفل لاجد 7 اشخاص سيدات جميعهن سيدات  
توجد سيدة كبيرة اظن انها تجاوزت الثلاثين  
و3 شابات اظنهم بلغوا العشرون  
وظفتان صغيرتان بالعمر يشبهان تلك السيدة بغرابة  
شرعت اتسائل من انتن  
ردن بكلمتين فقط  
انت مش عارفانه!!

رددت سؤالى  
فقابلتني نفس الاجابة السابقة  
شعرت بالملل فاخبرتهم اننى لا اعلم من احضرنى هنا واننى  
تناولت بعضا من الطعام الموجود على المائدة  
فردت السيدة الكبيرة  
انت جيتى هنا برجلك محدش جابك واحنا مش صحاب البيت دا  
فوجودك

اختفت الاوجه من امامى فجأة ففرعت من هذا المظهر المريب  
قفزت من مكانى لاجد نفسي على سرير المشفى  
اطمن قلبى لان ما حدث كان مجرد حلم  
مجرد حلم  
حلم لعين ...

مرت ساعه كاملة انتظر ان يأتى احد لاتحدث معه  
لم يأتى احد فقررت قراءة الكتاب مرة اخرى  
من البداية حتى تلك الصفحة  
الصفحة السادسة

**بتاريخ 1999/6/1**

"اصبحت زوجة اكبر رجل اعمال بالشرق الاوسط

لدينا مالا يكفيننا لمئة عام الى الامام  
ولكن المال لا يكفى بتلك الحياة "

شعرت كأن الكاتبة تكتب مفكراتها بالفعل وشعرت بالم وشعورا  
غريب يطاردنى منذ شرعت بقراءة هذا الكتاب .

كأننى وضعت نفسي لوهلة بمكانها كم من التعاسة ان تتزوج  
المرأه رجل لمالها او ان تعيش باموال دون حب  
امر مقزز!

دلف حجرتى مهاب

مهاب بلهفة :حمدلله على سلامتك يا جميلة كنت خايف اوى عليكى

جميلة بتساؤل:ليه خايف ليه

مهاب:انت كنت.. تمهد قليلا ليكمل فغيوبه بقالك شهرين كنت

خايف متصحيش بسرعه زى المرة الى فاتت

جميلة بصدمة فاغرة شفتيها:ها

مهاب:جميلة انا خفت عليكى اوى انا ابتديت احس ان بفقد

مسؤوليتى كدكتور وبندرج لحاج....

جميلة مقاطعة :انا هفضل تعبانه كدا كتير

مهاب:لا انشاء الله هتبقى كويسة

جميلة :انا عاوزه انام انا مصدعة

مهاب بحزن على حالتها :لا يا جميلة متناميش تانى انا هتصل

بمارجيت تيجى وتتكلمو سوا

جميلة باستسلام :طيب اتصل بيها

اتصل مهاب بمارجيت وهو يخبرها بسعادة انى استيقظت من

غيوبتى وكم اننى امرأة قوية وسأتحمل لباقى عمرى

حضرت مارجيت بيديها بعض الكتب

واعطتنى اياها لاستعد لقراءتها جميعا

مارجيت :الغيوبه فكرتك باى حاجه

جميلة :لا حلمت حلم غريب بس مفكرتش اى حاجه

مارجيت باهتمام :احكىلى الحلم  
قصصت لها رؤيتى معبرة لها عن مدى خوفى من تلك القطة  
السوداء

مارجيت بتفهم :فى حاجة من اتنين  
اول حاجة ان الاشخاص دى حقيقيين وموجدين فى حياتك  
تانى حاجة ان دا كان حلم عقلك صور هولاك عشان تفوقى من  
الغيبوبة

جميلة :اها ممكن بردو لانهم اول ما اختفو انا وقعت من السلم  
ولقتنى على سرير المستشفى هنا

مارجيت :عمتا فكل الاحوال عقلك هيشغل بسرعه لما تقرى  
لانك هتنشطية انا مسافرة لمدة اسبوع وهديكى واجب

جميلة بضحك:واجب واجب ايه دا

مارجيت :هتقرى كل الكتب دى فى الاسبوع دا

جميلة :هقرا عشر كتب فاسبوع ازاى يعنى

مارجيت :انا بقولك اقرى مش زاكرى هتقرى وبس وتخلي مخك  
يتخيل الى انت بتقرى دا ولما ارجع انا على يقين انك هتفتكرى  
حاجه

جميلة بامل:يعنى ممكن افكر حاجه

مارجيت :ان شاء الله ودلوقتى عدت ربع ساعه من الجلسة انا  
هعملك حاجه.....

انتهت الجلسة وانتهى اليوم معها ولكن لم انتهى انا بعد

قررت ان ابدء بواجبى من اليوم

فعدت الى الكتاب الغامض مرة اخرى

الصفحة السابعة

**بتاريخ 1999/8/3**

"سافر العزيز الى خارج البلاد.

لا اعلم الى متى سأظل زوجة ببيت ابى ,سئمت تلك الحالة لم اعد

قادرة على استيعاب ما يحدث حولى من امور ارهقت افكر ما

يخبئ لى هذا القدر بعد"

انتقلت الى الصفحة الثامنة فالان انا يجب ان اتخيل  
الصفحة الثامنة

**1999/10/10**

تأسيس شركة الورثة

"اسست الشركة التي غاب لاجلها الغريب  
سميت بالورثة لانها بنيت من مال موروث  
لا انكر سعدت لاجله ولاجلى ولكن  
هل ناتج الشركة لاجلى واجله  
ام لاجله ولاجل امرأه اخرى".

الان بت اعلم تلك المرأة تكتب سيرتها الذاتية  
انه لامر رائع ان اقرأ عن حياة شخص اخر

قلبت للصفحة التاسعة

**2000/1/1**

حب تائر

"شعور رائع لامرأة مثلى  
المرأة الاولى التي اعشق بها رجلا  
اعلم انه شعور غير متبادل ولكنني لم اكن متشوقة لحدوث ذلك  
حدث الامر دون ارادتي  
الغريب فالامر اننى الوم نفسي لانها عشقت زوجها".

شعور رائع راودنى وبت حقا اتخيل امرأه تكتب مفكراتها  
وهي تسقط دمعاتها على حياتها وقدرها البائس

انتقلت للصفحة العاشرة

لاجد  
الصفحة لعاشرة

**2000/7/5**

وعد البقاء البعيد  
"اليوم اعترفت له بكل شئ  
نظر لي نظرة تحمل من الشفقة ما يكفي العالم بأسره  
شعرت بالندم اننى اخبرته  
لكنه جاوبنى بوعد بقائه بجانبى ثم رحل وتركنى خلفه  
كان وعدا محقق لا محال".

شعرت بالالام وكأئننى انا من تعرضت لهذه الالهانه انه من المحزن  
ان تعيش المرأه بقصة حب دون ان يبادلها الرجل  
الشعور ذاته  
ارهقت عيناي من كثرة القراءة  
فاستسلمت للنوم داعية الله الا اذهب بغيوبه مرة اخرى

استيقظت صباحا لم استطع النوم من شدة تعلقى بالكتاب اردت ان  
اقراه حتى النهاية لا علم ماذا سيحدث للكاتبه  
استيقظت لالتفت الى الساعه والتقويم لاتكد انى لم اعش  
غيوبه اخرى  
طمئنت نفسى وهرولت الى الكتاب لاكمل قراءته  
الصفحة الاحدى عشر

**2000/8/6**

اعتراف بالحب الكاذب  
"شعرت بأنى كنت محط سخرية  
قابلى اليوم  
لتخبرنى شفاه انه واقع بعشقى كما وقعت انا

وفتنت عليه عيناه لتعلمنى انه رجل كذاب ليس الا "

قلبت للصفحة الثانية عشر

**2001/3/1**

"امتثلت له كالعادة مرغمة

انا امرأه عاشقة وقعت بعشق زوجها

اليوم يوم زفافى بعد الحاح شديد منه

تزوجت به ولو علم اننى اردت ذلك من البداية ما كان ارهق نفسه  
ملحا".

تزوجتية اذا كم انت امرأه ذليلة

قلبت للصفحة الثالثة عشر بعصبية واضحة مما قرأت

الصفحة الثالثة عشر

**2001/5/4**

قرع الباب ليدلف مهاب

مهاب: اول مرة تصحى بدى كدا

جميلة: انا مقدرتش انام

مهاب بقلق: ليه

جميلة: كنت خايفه ادخل فغيبوبة تانى وكنت متشوقة اقرا الكتاب

مهاب: للدرجة دى كتاب مشوق طيب خلصيه عشان اخده بعدك

جميلة: حاضر اصلا مفاضلش كثير

مهاب: طيب كويس اوى يعنى قربت اقراه انا كمان

جميلة: اها فاضل شوية قليلين وادهولك

مهاب: هو مارجيت قالتك اقري كثير ولا اى

جميلة: اها قالتلى عقلى هيتنشط بالقراية وهفتكر

مهاب: مممم طيب هخلى شرين تجيبك الفطار والدوا وبعدين

هاجى اكشف عليكى

جميلة: ماشى

خرج فعدت للكتاب مرة اخرى لاصدم من ما قرأت  
الصفحة الثالثة عشر من الرواية .

**2001/5/4**

"اليوم دعتنى الحرباء لنذهب الى الطبيب  
وافقتها الامر وذهبنا سويا ولكنى خرجت بمفردى تاركة العالم  
حولى يدور وانا صامتة لا اقدر على الحراك  
انا امرأة عاقر تعشق زوج يريد منها انجاب الاطفال فقط  
انا الاسوأ حظا فى العالم "

قهرت من تلك الكلمات القاتله الكاتبة تحترق عشقا لزوجها  
وهو لا يرى ذلك بل لا يهमे حتى ان يرى  
والان هى ليست قادرة على الانجاب  
حقت كلماتها انها حقا الاسوأ حظا بالعالم

دلفت شرين بصينية الفطور فتناولته من يديها ثم اخبرتها اننى  
اشتقت لها كثيرا منحتنى الدواء وخرجت من الغرفة لاتناول الفطار

انتهيت من الفطور وتركته جانبا لاعود الى كتاب كتبه اتعس كاتبة  
بالحياة

الصفحة الرابعة عشر

**2001/12/2**

"الان بت اعلم لما قررت الحرباء ان تأخذنى الى ابنة اختها  
اتفقت معه لتذلى بأتى امرأة عاقر  
بعد ان اعتدت على الامر ,فوجئت بخبر حملى يا لها من سعادة  
غامرة  
ولكن كانت سعادتى بمفردى فلم يسعد الغريب ولو انجبت له ولدا  
ذهيبا "

ابتسمت رغما عنى كم من السعادة ان يكون المرء تعيسا فيأتى  
خبرا مفاجئ يملأ حياته بالسعادة ويمحى الألام السابقة

دلفت شرين لتحمل الصينية وتعود الى عملها واخبرتني ان مهاب  
سوف يأتى بعد ربع ساعة ليفحصنى

رائع ربع ساعه كافية لقراءة صفحتين ايضا يجب ان انهى تلك  
الرواية لاقرأ باقى الكتب

الصفحة الخامسة عشر

**2002/2/15**

"انا من اسعد الناس على وجه الارض  
أكرمنى ربي ووهبنى طفلتين بأحشائى  
توأمان ايناث كما كنت اتمنى دائما  
انا متلهفة لأخذهن بأحضائى "

فرحت بالامر انا اعشق البنات  
قلبت للصفحة السادسة عشر

**2002/6/5**

"أسميتهما فريدة وفردوس  
اليوم يوم ميلادهما من اجمل الايام بحياتى كلها  
لا يهمنى عيناى زوجى الخاليان من السعادة  
ما يهمنى هو صوت صرخات ابنتاى دون توقف مرحبتان بالدنيا "

اغلقت الكتاب حين دلف مهاب

مهاب :لسه بتقرى

جميلة:اها قربت اخلص خلاص بس حقيقى رواية تعيسه جدا

مهاب:ههههه متقريهاش

حميلة :مقدرش اوقف قرايه الفضول هيמותنى

مهاب :اديني ضهرك عشان اكشف عليكى

جميلة :حاضر

مرت نصف ساعه يفحصنى

مهاب :كل حاجه كويسة انت تقدرى تخرجى انهاردة

صعقت من تلك الكلمات اين سأذهب أنا لا اذكر حتى اسمى

جميلة لنفسها بصوت مسموع:هاروح فين بس؟

مهاب:لو اضطريت اخرجك انا هتصرف فالباقي يعنى متخافيش انا

مستحيل اسيبك

جميلة باستحياء من حالها:شكرا جدا انا هحاول الاقى شغل والاجر

شقة وخلاص

مهاب :جميلة انت مش فاكرة اسمك ولا حتى معاكى بطاقة يعنى

محدث هيرضى يشغلك

جميلة :هبقى اتصرف

مهاب:جميلة انت مسؤولة منى لوقت ما تفكرى ومش هكرر

كلامى

جميلة :بس انا ....

مهاب مقاطعا :انا قلت مش هكرر كلامى

جميلة :انا مستحيل اقبل ان حد يصرف عليا

مهاب :اعتبريه دين يا جميلة وكفايا مناقرة بقا

جميلة:بس..

مهاب مقاطعا:انا قلت كلمة وخلص الموضوع فمفيش داعى تقولى

انا وبس وما بسش

انتهى النقاش بموافقتى على عرضة حتى تعود زاكرتى

خرج ودلفت شرين بيديها الغداء وبعض الحبوب

تركونى فتناولت ما بيدى وأخذت الدواء ثم وضعت الصينية

بمكانها وتناولت الكتاب لاعاود القراءة

الصفحة السابعة عشر

2002/8/9

"رحل الغريب ولم يعد الان بت امرأة مطلقة تعشق طليقها حتى الموت

لم ينظر الى طفلتيه حتى ,رحل دون ادنى شقة على ابنتيه الاثنتين  
رجل وضع فاسق  
أعشقه حتى الموت"

كم انت أمراه ذليلة كيف لك بحب رجل تركى بطفلتين كم انت  
ذليلة اشفق عليكى وعلى ذاك القلب الذليل المتعفن  
ألم يجد رجل آخر ليعشقه دون ذلك النذل الفاسق

قلبت للصفحة الثامنة عشر  
بمنتهى العصبية وانا اشعر اننى انتهك خصوصية امرأة بالفعل

**2004/2/13**

غربة

"بعد ان رحل الغريب مر عامان كاملان وأنا أنام بمهدأت ملأت  
جسدى

اصبحت شبعا يتحرك وكأنه انسان  
عشت سنتين من عمرى وجسدى يتشرب بالمهدئات  
لم ارى ابنتاي يحاولان المشي لم اقترب من احداهن لأخذها  
بأحضانى كنت ميتة لمدة سنتان ولكننى فقت الان استيقظت  
من غفلتى لاهتم بطفلتاي اليوم سأستقر بمفردى وبأبنتاي وسوف  
أهتم بأعمالى سأعود كما كنت  
لن ابالى لما حدث بالماضى  
فأنا العنقاء أنا أولد من رمادى احترقت لسنتان والان أولد مرة  
اخرى من رمادى ."

كم التمست القوة من كلماتها تلك كم انت امرأه مثابرة  
اذا عشتى اياما تعيسة لرحيلة عنك ايتها العاشقة  
عنقاء بالفعل .

الصفحة التاسعة عشر  
أملت ان تكتمل مسيرة العنقاء الى القوة  
ولكنها كانت محقة بدعوة نفسها بالعنقاء  
فالعنقاء بطبيعتها تحترق مرة اخرى لتولد مجددا

**2019/1/15**

"عادت العنقاء الى نقطة الصفر مرة اخرى  
كانت اخر ريشة سقطت منى اليوم لا تحترق واصبح رمادا  
سكن الغريب امام عيني ,ودق قلبي دقائق كنت اعتدت نسيانها "

اللغة !

دلفت شرين لتحمل صينية الغداء وترحل  
مرت دقيقتين افكر كيف للحياة ان تجعلنا محط السخرية بتلك  
الطريقة  
فى وقت احتسبت نفسها انها قد عادت الى قوتها السابقة  
قابلتها الحياة بأمر سحقها سحقا  
بعد قراءتى لتلك الصفحة عزمتم ان اكمل القراءة

الصفحة العشرون

**2019/4/16**

فقدان زاكرة

"اليوم استيقظت لا ادري اين انا لا تفاجئ اننى تعرضت لحادث  
نسيت عائلتى وحياتى حتى اننى شعرت اننى اواكب حلما رديئا من  
نوعه ولكن الحقيقة مؤلمة فأنا الان حقا فاقدة لزاكرتى  
حتى ان اصبحت فاقدة لحسي اللغوى "

شعرت بنغزة بقلبي فالان ما اقرأه مشابه لما انا عليه الان

الصفحة الواحد وعشرون

**2019/4/23**

"عادت الزكريات الى مكانتها الواقعية  
تذكرت ما حدث بالتفصيل لا احد يعلم بما تذكرت ولا حتى ابنتاي  
قررت ان اضمن حقي حتى بعد مماتي فهذا ما اقدر عليه  
الخوف تسرب لأعناقى حتى بت لا استطيع التعبير عن شعورى "

الصفحة الثانية والعشرون

**2019/4/30**

"اليوم قابلت ميتا لاخفى اسرارى  
مقابلة الاموات ليست بأمر هين ولكنى قابلت ميتا بالفعل  
لاخفى أمور ستخلدنى بعد مماتي "

قابلت الصفحة لآخرى متشوقة لمعرفة باقى الاحداث

الصفحة الثالثة والعشرون

**2019/6/25**

"اليوم الثلاثاء يوم احبه كثيرا  
اليوم يوم مواجهة الحقائق ,يمكن ان اعود بعد تلك المواجهة حية  
ارزق او جثة هامدة لا معنى لها

اليوم سيكون يوم سقوط اخر ريشة بالعنقاء  
أو سيكون يوم ميلادها من الرماد  
ولكن حتما ان مت انا ولم احيا من جديد  
فسأكون أول عنقاء تموت ولا تحيا "

"أنا العنقاء الخالدة أموت وأبعث من رمادى  
اليوم يوم مواجهة مصير خلودى ."

قلبت للصفحة التالية لافاجئ.  
قلبت الصفحة التالية لاتفاجئ بصفحة فارغة  
ماتت الكاتبة ام ماتت بطلة الكاتبة  
الكتاب لا يزال ملئ بالصفحات الفارغة  
كتاب ملئ بالغموض  
تركته جانبا واسلمت عيناى للنوم لم انم منذالبارحة

لا أعلم كم مر من الوقت ولكننى أشعر اننى نمت لمئة عام  
يارحيم انه نفس الحلم يعاد مرة اخرى  
تحركت لأجد نفس الباب بنفس الحديقة  
هرولت الى المنزل كى لا ارى تلك القطة مرة اخرى  
ولكننى تفاجئت بشخص ينادينى يبدو من بعيد انه رجل  
اقتربت منه قائلة :انت مين انا جيت هنا تانى ازاي  
الرجل :تعالى ...قربى  
جميلة :انا جيت هنا ازاي هو انا فغيبوبة تانى ولا ايه يارب بقا  
ساعدنى  
الرجل بحدة :قربى بقولك  
جميلة :حاضر

قربت اوى لحد ما الرؤية وضحت دهشت حين أختفى الرجل من  
أمامى مر وقت وأنا ابحت عنه كان ونيسي الوحيد فتلك المتاهة  
سمعت صوته ينادينى مرة اخرى ركضت ناحية الصوت  
لأجد نفس القطة السوداء تنتظر لى بنفس النظرة المخيفة

القطة السوداء :أنا مش قتلتك قربي  
ركضت سريعا لابتعد عنها سقطت عدة مرات فى الارض من كثرة  
خوفى وتوترى  
ظلت القطة تركض خلفى وهى تردد نفس الكلمات :أنا مش قتلتك  
قربي  
لا اعلم كم من الوقت مر علينا نركض فى المتاهة تلك ولكننى ادرك  
الان اننى هزمت لا محالة سيطر على التعب بطريقة غريبة  
هجمت القطة على وجهى وهى تتحدث بصوت ينغظ تدريجيا  
صرخات تلى صرخات لازلت القطة تنبش بوجهى الان توقفت  
حضر شخص غريب أخافها فهربت سريعا  
كان وحشا مخيفا ظله طويل ومخيف  
أصابنى الهلع  
مرت ساعات اصرخ فقط دون أن أنطق كلمة واحدة مفيدة  
وكلما علت صرخاتى أقترب الظل منى حتى  
رأيت صاحب الظل كان شخصا عاديا مثلنا  
طويل القامة وشاب يبدو بعمره الثلاثين  
أقترب كثيرا من وجهى حتى يتحدث بصوت أشبه بفحيح الأفاعى  
الرجل:أنت كويسة؟  
جميلة تفتح عيونها :ه الغريب !?  
أستيقظت من نومى هلعة مما رأيت ركضت شرين ناحيتى لتهدئ  
من روعى قليلا

شرين :مالك بس اهدى استعيذى من الشيطان واهدى دا كان  
كابوس

جميلة:انا انا كويسة متخافيش انا كويسه  
شرين :انا كنت هصحيكى بس قولت اسيبك نايمة شوية  
جميلة :انا كنت نايمة  
شرين :اها كنت نايمة  
جميلة :يعنى مش غيبوبة انا كنت نايمة عادى يعنى  
شرين باستغراب:غيبوبة ايه لالا انت كنت نايمة عادى

جميلة براحة: طيب كويس طمنتيني  
شرين باستغرب: تاكلى؟  
جميلة: اها شوية وهاكل  
شرين: طيب انا هشيح لدكتور مهاب يكشف عليكى  
جميلة: طيب  
خرجت شرين فنظرت للكتاب الموضوع امامى ظلمت أتامله حين  
قرأته تخيلت رجلا فى عقلى وأسميته الغريب  
كان نفس الرجل الذى رأيته بالحديقة  
دلف مهاب الى غرفتى  
مهاب: صباح الخير  
جميلة: صباح النور  
مهاب: شرين قالتلى انك شفتى كابوس خير؟  
جميلة: لالا خلاص الموضوع خلص  
مهاب: طيب فاضل يومين ومارجيت تنزل مصر خلصتى الكتب ولا  
لسة  
جميلة: لسة بس الكتاب الى كنت عاوزه انا خلصته تقدر تاخده  
مهاب: أخيرا انا قلبى قالى انك مش هتتخلى عن الكتاب دا  
جميلة: دا كتاب ناقص اصلا يعنى حاجه مستفزة انا بقولك من  
دلوقت عشان تبقى عارف انه كتاب ناقص  
مهاب: طيب هقرا الموجود وبعدين هقولك انا فهمت منه ايه  
او الاستنتاجات الباقية هتكون ايه  
جميلة بملل: ماشي  
انتهت الفحوصات الطبية حان موعد اطلاق بوق الفاجعة  
فى المساء

مهاب: انا عاوز اقولك حاجه  
جميلة: حاجه ايه  
مهاب: كجميلة انت صحتك بقت كويسة الحمد لله  
ودلوقتى ميعاد خروجك من المستشفى ....

مهـاب :أنا عارف انك هتقعدى تحكى فنفس الموضوع هاروح فين

واجى منين

جميلة انا مش هسيبك

جميلة :أنا مقدرش اقعد معاك فبيت واحد مينفعش

مهـاب :ايه الى خلاه مينفعش

جميلة :أنا مش هقدر اقعد معاك فبيت واحد وخلاص وبعدين انا

ممكن اكون متجوزه اصلا

مهـاب :طب وايه يعنى جميلة انت هتقعدى معايا انا وامى واختى

يعنى مش انا وانت بس

جميلة بتفكير :مش عارفه بس انا مقدرش افرض نفسي عليكو

مهـاب :يا لاهوى على الكلام تفرضى نفسك ازاي وانا بتحايل

عليكى دلوقت

جميلة :مش هينفع بجد بص هشكرك اوى لو جبئلى شغل وبس كدا

مهـاب بصوت عالى :جميلة انا مش بستأذلك انك تقعدى عندى انت

هتيجى بالذوق او العافية ومش عاوز اى كلام فالموضوع دا

جميلة بعدم استيعاب ما حدث :نعم! يعنى ايه بالذوق او العافية

هتخطفنى يعنى

مهـاب :اها هخطفك وانت اصلا متعرفيش اسمك حتى يعنى

هتتخطفى هتتخطفى فأخطفك انا احسن

جميلة بقلق :أنت تقصد ايه بالكلام دا

مهـاب :جميلة انت واخده فاقدة الزاكرة ومتعرفيش اهلك ولا اسمك

ولا بلدك ولا حتى ان كنت متجوزه ولالا مين هيشغلك بالوضع دا

جميلة :ولاد الحلال كتير اوى ع فكره

مهـاب :مفيش ولاد حلال هيشغلو واحده ناسية اسمها ولو حد

وظفك هيستغل انك معندكيش اهل اظن فهمتىنى

جميلة :لالا انا مش هاجى معاك

مهـاب بصوت جهورى :شرين يا شرييييين

مهـاب :وضبى حاجات جميلة وتليفونها وكل حاجتها عشان

هتمشى

جميلة :انا هوضب حاجتى

مهـاب متـجاهل حـديثـها :شـرين جـميلة متـطلعـش من الاوضه غير لما  
انا اجى اخدها والا انت عارفه انا هعمل فيكى ايه  
شـرين بـخوف :حاضر يا دكتور مهـاب متـقلقلش  
خرج مهـاب صافقا الباب بطريـقة مزعـجة  
شـرين بـخوف واضـح:أنت عملتـى ايه  
جـميلة :ولا حاجه قـلتـه مش هروح معاه قام قالى مش بمزاجك  
وبتاع بقولك ايه اعـملى معـايا معـروف وهـربـينى  
شـرين بـخوف:لا بقولك ايه انا لو عملت كدا هيقطع عيشي وانت  
عارفه انا عندى عيال بصرف عليهم  
جـميلة بـغيص:اوف طيب انا هتصرف  
شـرين:بقـلك ايه اوعى تـعملـى حاجـه تـودينى فـداهيـة سـايـق عـليـكى  
النـبى يا جـميلة ما تـودينى فـداهيـة  
جـميلة :والله ما هعمل حاجه متخافيش  
شـرين :ربنا يكرمك يارب  
حضرت شـرين حـقيبتى وتركتنى لتنادى مهـاب  
مهـاب :يـلا  
جـميلة باسـتـنكار :ها ؟  
مهـاب سـاحبـا جـميلة من يديها :قلت يلا هنمشى خلاص  
جـميلة :سـيبـنى مش عـاوزـه امشـى معاك انا  
نـظر لى نـظرة مخيفـة للـغايـة  
مهـاب :مـسمـعش صـوتك لحد ما نـخرج من باب المـسـتـشـفى  
جـميلة :بس انا مش عـاوزـه اروح معاك انا هتصرف فـمـكان لـنـفسـى  
مهـاب :مـسمـعش صـوتك خـالص  
ثم سـحبـنى وخرجنا من الغـرفة الى الطـرقة والمـصـعد الكـهـربـائى  
حـتى سـلم الخـروج من المـشـفى ....

ادخلنى الى السيارة بطريقة غريبه وعنيفة بعض الشئ الان حقا  
انتابنى شعور الخوف من مجهول غامض .  
فقط الان شعرت اننى لست شيئا انا مجرد جسد وروح لا ماضى لى  
ولا مستقبل معلوم

الخوف فقط الخوف يحاوطنى من كل اتجاه لاجد نفسي الان امام  
منزل رأيتة كثيرا ليست المرة الاولى التى ارى بها هذا المنزل  
اقسم اننى رأيتة من قبل او حتى اننى اشعر بذلك ولكن كيف؟! وانا  
لا اتذكر شئ أيعقل ان يكون هو .....  
أجل انه هو ذات المنزل الذى يزورنى فى أحلامى  
دلقت معه وأنا لا اشعر بما يدور حولى فقط أتأمل ذلك المنزل  
الغريب

ولما زارنى فى أحلامى أكان تحذيرا خفيا لى ولم أشعر بذلك  
كفى تفكيرا بأمورا روحانية لا علم لكى بها الان بت بداخل المنزل  
نفسه زائر احلامك بجانبك المعالج الذى تعايشته معه لاسابيع عدة  
الان بت بداخل منزل الطبيب الخاص بك  
توقفى عن التفكير وعودى الى واقعك  
عودى ايتها الحمقاء هناك من يتحدث معى  
جميلة عودى عودى جميلة جميلة  
جميلة ..جميلة  
جميلة :ها

مهاب :ها ايه بس انت بتنامى واقفه  
جميلة :انا سرحت شوية بس  
مهاب بابتسامة :سرحتى فالجنينية عجبك صح؟! انا لى عاملها  
جميلة :اها حلوة

مهاب :انا اسف على لى حصل بس دى الطريقة الوحيدة الى كانت  
هتجيبك هنا  
جميلة :طيب خلاص

مهاب :متزعلش والله ما كنت عاوز اضايقك بس انت بنت مش  
راجل عشان اسيبك بالوضع دا فى لشارع  
جميلة بتفهم :طيب شكرا

مهـاب :ندخل بقا ولا اى

جميلة :ماشى خـلينا نـدخل .....

دلـفت الى داخـل المنـزل أشـعر بالـقلق اخـشى ان يـكون المنـزل من  
الداخـل كما رأيتـه بالحـلم أيضا يكـفى تلك الحـديقة المـريية

مهـاب :السلام عليكم ورحمة الله وبركاته

جميلة :السلام عليكم ورحمة الله وبركاته

والدة مهـاب :وعليكم السلام انت بقا جميلة

مهـاب بفرحه:اها هي

والدة مهـاب :صدق الى سماى جميلة تعالى يا حبيبتي متتكثفـيش

جميلة محتضنه المراه:شكرا جدا يا طنطـدا من ذوق حضرتك

راوية وهى تربت على كتف جميلة :بسم الله مشاء الله قمر يا بنتى

ربنا يحرصك ويعجل بشفاكى يارب

جميلة بتوسل :يارب

مهـاب :امال فين روفان

راوية :فوق نايمه هبعت سحر تصحيحها دلوقت

مهـاب :لالا اقعدى انت وانا هبقى اشوفها بعدين

راوية :طيب نادى على سحر تاخذ حاجه جميلة الاوضة بتاعتها

عقبال ما نتكلم شوية

مهـاب :طيب بس بلاش كلام كتير لان جميلة لسه تعبانه

جميلة بتلقائية :لالا انا مش تعبانه

راوية :هههههههه اهى قالت مش تعبانه طبعا السكات صعب

ومصدقـتى تـلاقي حد تتكلمـى معاه ولا اى

جميلة:انا فعلا ما صدقت

راوية :طيب تعالى نقعد فالجنينة

جميلة بسرعة :لالا بلاش الجنينة

راوية باستغراب :ليه مالها الجنينة

جميلة :أصل انا لسه خارجه من المستشفى وخايفه اخذ برد

راوية بتفهم:عندك حق تعالى نقعد فالصالة واسعه وتريح البال

جميلة بابتسامة :طيب

دلفنا الى داخل المنزل اخيرا لاصل الى غرضي من عدم الجلوس  
بالحديقة

فى البداية يوجد جراش لم اراه بالحلم  
اطمنن يا قلبي قليلا فهذا ليس المنزل الذى لطالما زارك احلامك  
تطلعت الى الداخل بأعين خالية من الحياة لا ادري عما يحدث  
حولى

لا اعلم كم مر من الوقت أنظر الى المنزل من الداخل  
ايقنت ان المنزل ليس نفسه الذى زارنى فالحلم فطمأن قلبي قليلا  
ولكننى لازلت لا اعلم ان كانت الحديقة ذاتها أم انها تشبهها فقط  
ولكن الامر ليس بهمهم فالحمد لله انه ليس ذات المنزل

قطع تفكيرى صوت رواية

يا جميلة مالك يا بنتى

جميلة: مليش سرحت شوية بس

راوية: ايه البيت معجبكيش ولا اى

جميلة: لا بالعكس دا البيت جميل جدا

راوية: عنيكى الى جميلة

قطعت ذلك الحديث الخادمة لتخبرنى ان غرفتى جاهزة

راوية: طيب يا جميلة يابنتى اطلعى ارتاحى شوية وبكرة الصبح

لازم تنزلى تفطرى معانا هنستاكى

جميلة: طبعا يا طنطن شاء الله

راوية: طيب يا حبيبتى تصبى على خير

جميلة: وانت من اهل الخير يا طنطن

صعدت الى غرفتى وانا فى شدة التعب واثناء دلوفى للغرفة سمعت

صوت بكاء فتاة جذبنى الصوت

اغلقت باب الغرفة مرة اخرى دون ان انظر اليها متجهة ناحية

الصوت

وقفت امام الباب الصادر منه صوت لفتاه ليظهر صوتها وهى

تحدث احدا ما بالهاتف لتخبره

ادم ارجوك متسبنيش مش بعد كل المدة دى

لتصمت برهة وتستأنف حديثها ببكاء اكثر

أدم ارجوك انا حامل يا ادم مينف عش تسيبني وحدي ارجوك بس  
اكتب عليا وابقا سيبنى انا رضية والله  
صعقت

صعقت من ما اسمع الان و تجمدت مكاني من هول الامر أحقا اخت  
مهاب تحمل طفلا في احشائها  
لم اتردد للحظه ان اقرع الباب مستأذنة الدخول  
سمعت صوتا رقيقا للغاية وخافت  
ادخل

دلفت الى الغرفة على وجهي ابتسامة لتطمئن انني لم اسمع شيئا  
جميلة: مساء الخير  
روفان: مساء النور

جميلة: انا جميلة دكتور مهاب جابني هنا لحد ما زكرتي ترجعلي  
روفان بتفهم: اها حكولي الصبح اتفضلي اقعدى  
جميلة: لالا انا كنت رايحة الاوضة الى دكتور مهاب حضرهالى  
سمعت صوت حد بيعيط فالفضول اخدنى لاوضتك حبيت بس اظمن  
انك بخير

روفان: انا كويسه شكرا جدا على اهتمامك  
جميلة بابتسامة عذبة: اتمنى تكونى كدا فعلا عن اذنك  
اوقفنتى روفان بشك قائلة: انت سمعتى حاجه  
جميلة: اها سمعت صوتك بتعيطى  
روفان: لا اقصد وانا بكلم حد  
جميلة بلؤم: انت كنت بتكلمى حد  
روفان بتوتر: لالا انا بس بسألك  
جميلة: لا مسمعتش حد غيرك  
روفان: طيب

جميلة: تصبى على خير  
روفان: وانت من اهل الخير  
خرجت من الغرفة متجهة الى غرفة الضيافة التى سأمكت بها  
متطلعة على جدران المنزل

اتحرك كفراشة تطير ناحية جهنم وهي تنتظر الاحتراق  
لا ابالى لما انا به فتاه فى مقتبل عمرها ام فى نهايته لا يهم ولكنى  
اعلم اننى حقا على حافة هاوية  
خلفى ريح شديدة تكاد تحرك الجبال حولى وانا هكذا اقف صامدة  
منتظرة قدوم تلك الريح ناحيتى لتهتز اوصالى ولتخوننى قدماى  
فأسقط من اعلى الحافة متطلعة الى نهاية السقوط اللانهائى  
منتظرة النهاية فقط النهاية التى لا اعلم متى ستأتى

وقفت امام باب الحجرة اشعر بأوصالى ترتجف لا اعلم لما  
كل هذا التوتر كل ما بالامر انه شخص جيد يخشى تركى  
بمفردى هذا كل ما فى الامر  
\_ أنت غبيه حقا انت غبيه من هذا ليخشى عليكى يبدو ان له  
نية سيئة لا راحة لى معه

لا أظن اننى بدأت بالهذيان مجددا  
دلفت الغرفة لاحدق اليها بتعجب

أشعر ان القدر يلعب معى لعبة سخيفة

وكأنتى بداخل دائرة لا نهائية تحملنى بداخلها لتدور بى بعدد  
لا نهائى ثم ترمنى مرة واحدة وتفترش ضحكا على ما أشعر  
به من رهبة لتعاود ضمى بداخلها مرة اخرى وتبدء معى  
الرحلة من جديد  
حياتى القدرة .

أشعر ان القدر يلعب معى لعبة سخيفة  
وكأنتى بداخل دائرة لا نهائية تحملنى بداخلها لتدور بى بعدد  
لا نهائى ثم ترمنى مرة واحدة وتفترش ضحكا على ما أشعر  
به من رهبة لتعاود ضمى بداخلها مرة اخرى وتبدء معى  
الرحلة من جديد

### حياتى القدرة .

كانت حجرتى نفس تلك الحجرة التى رأيتها بالحلم  
بنفس رقيها والوانها الهادئة  
أنه الرعب بحد ذاته .  
شعرت حينها ان لمهاب علاقة بى  
لا أعلم ما هي ولكن من الجنون ان ارى منزلا لم اراه من  
قبل بتلك التفاصيل الدقيقة  
أقسم ان تلك المراة كانت بها نفس تلك الزهرة المرسومة بيد  
أحدهم .

بدأت الأمور تتعقد من جديد  
يبدو اننى لن أحصل على راحتى ما دمت بدون زاكرة

التاسعة مساء

شعرت بالنعاس فشرعت بالنوم متخذة ذلك القرار بأن  
استرجع ذاكرتى .

فى بعض الأحيان يكون مرض النسيان ليس مرضاً أنما  
هدية رقيقة يمنحها لك عقلك لتتناسى أموراً من الصعب  
نسيانها.

رحمة من الله علينا تمنعنا من مواجهة الحزن واليأس الذى  
ملأته الحياة بنا

لتصبح حياتنا جحيماً

فيأتي لطف الله بنا

ماحياً تلك الفضلات من حياتنا.

أستيقظت فى تمام الساعة السابعة صباحاً

على صوت أعتد القيام عليه منذ كنت فى السابعة

يسعد صباحك يا حلو، يسعد مكان بتنزله

لما النسيم ييزورنا عنك يا ولف منسأله

يسعد صباحك يا حلو، بيتي بورد بجمله

يمكن لنا يوم الهوى والقلب يلقي منزله

طل يا محبوب وإحمل لنا الأنغام

طل يا محبوب غنيتك أحلام

يسعد صباحك يا حلو، وعدك لنا لا تبدله

ونبقى سوى ويبقى الهوى بقلوبنا صافي وحلو

يسعد صباحك

يسعد صباحك

يسعد صباحك يا

...

كالعادة دلفت الى حمام غرقتى لاتحرر من تعب النوم

لازلت أشعر بتعبى من نومى على عكس الناس

ينتابني بعض من الم الرأس  
ليس ككل مرة  
بل أشعر ان جمجمتي تتكسر

بداخل حوض ماء دافىء  
أرحت جسدي  
تاركة عقلي يغوص الى أمور  
أريد معرفتها  
للتوالى مشاهد أمام عيناى لا أريد رؤيتها  
بعض المشاهد السريعة المقرفة  
التي حقا لا أريد رؤيتها  
لتركض الصورة ركضا  
سريعا متحطمة أمام عيني  
ثلاثة بنات مبتسمات  
ينظرن نحوى مستجدات بي  
ممن لا أعلم!  
فقط الخوف يحاوطهن  
ويحاوطنى  
لأقفز سريعا من مرحاضي  
ألهث بشدة عيناى لا ترا شيئا الا هن  
نفسهن الثلاث شابات  
بالحلم  
الامر أصبح كالجحيم  
لامفر منه ..  
ارتديت ثيابي  
لاهبط الى أسفل

الركض سيحطني انسى الامر  
كان المنزل خالى من البشر  
لا أحد!

لاصوت...هدوءقاتل  
ركضت للاعلى باحثه عن أحد  
لاأجد

تمنيت الموت عن مزحة حمقاء كتلك  
أهذا يعني أنني بداخل تلك الغيبوبة الحمقاء من جديد  
عقد الامر

سأركض يبدو اننى بداخل مزحة  
سأركض متناسية الامر  
ركضت الى الخارج  
أبتعدت وأبتعدت أكثر من اللازم  
لأجد قصرا يشبهه  
لا أنه هو كان نفسه القصر  
أقسم أنني أعرف هذا القصر  
تلك الحديقة تشبه حديقة منزل مهاب  
ولكنها تشبه حديقة أحلامي أكثر  
تلك الواجهة تشبه واجهة المنزل صاحب القطة السوداء  
وتلك

تلك..

اليافطة أقسم أنني سأركض الآن  
خوفي يلاحقتني  
يقسم بعدم تركي أحظى بالسعادة  
يلاحقتني  
وسيلاحقتني  
الى الأبد

كان نفس القصر يشبه المنزل الذي رأيته بالحلم  
تلك اليافطة المعلقة على البوابة  
مسجل عليها  
قصر الورثة  
ملك السيدة  
ناريمان

أيعقل ناريمان صاحبة الكتاب  
مالكة القصر  
الكتاب يقص الحقيقة إذا  
ولكن ما تلك الإعلانات المتراسة على الجدران

مفقودة !  
أناريمان مالكة القصر  
مفقودة !

ظللت أتماشى قارئة الورقات  
لتقع عيني على تلك الصورة  
صورة السيدة  
ناريمان  
أنا!!  
كانت تلك الصورة المعلقة  
صورتي !  
صورتي أنا

ناريمان ...  
مكتوب أسفل الصورة ناريمان  
أنا ناريمان  
أشعر أنني سأسقط الآن مغشى علي  
كيف أكون أنا ناريمان  
أذن  
الكتاب ملك لي  
أنا كتبتة  
تلك حياتي  
لدي طفلتان  
وأبى وأمي زوجاني لرجل قاسي  
زواجاني بقرار عائلي  
لا أهمية له  
أكنت انا تلك المهينة  
لنفسها أمام رجل  
أتلك هي حياتي  
مر وقت طويل وأنا أقف أمام الصورة  
لا أستطيع التفكير  
تلاشت الحياة حولي  
أصبحت أنا وحدي المنيرة بداخل ظلمة  
كاحلة  
لا حياة لها  
ليعلن عقلي عن وقت الأستيقاظ

.....

أستيقظت لأجد نفسي لازلت بمنزل مهاب  
بتلك الغرفة الملعونة  
الساعة السابعة صباحا

كان مجرد كابوس لعين  
أصوات الصباح المتداخلة  
ما بين فيروزات الصباح  
وصوت الطيور  
على صوت الشارع  
خناقة

خناقة فكو مباوند!!

هبط لأسفل مستفهمة عما يحدث

لاجد الشغب بداخل المنزل

مهاب: بقولك سمعتها بودنى

راوية: يا بني متظلمهاش يمكن تكون سمعت غلط ولا حاجة  
مهاب بعصبية: انا مسمعتش غلط انا متأكد انها كانت بتكلم

راجل

روفان بعياط: كنت بكلم زميلي وفيها ايه

مهاب بعصبية: وبتكلمى زميلك وتقوليلو بطنى بتكبر ليه

عندك انتفاخ

روفان: والله بقا حرام

مهاب بعنف: حرام ايه يا حيوانه انت انا اصلا معرفتش

اربيكي

روفان: بقولك ايه انت مجرد اخويا الكبير مش ابويا عشان

تتحكم فيا

لتدوى صفة على وجهة روفان

من والدتها

راوية: أطلعي على أوضتك حالا

لازلت أنظر دون نطق كلمة واحدة فالأمر أشبه بأمر آخر لا

اعلم ما هو ولكننى كأننى ارى هذا المشهد للمرة الثانية

مع مراعاة تغيير الاشخاص

تحركت من سكونى متجهة الى مهاب  
ليخبرنى انه يدريد التحدث معى بأمر هام

دلفت غرفته منتظرة ان يبدأ بالحديث رأسى تؤلمنى بشدة  
أشعر بأنفجار على هيئة مشاهد مصورة تمر امام عيناى  
بطريقة متتالية

أنت قرىتى الكتاب الي أنت عطيتهاولى دا كله

جميلة :ممم اها ايوه قرىته

مهاب :قرىتى آخر صفحة

حميلة :اها بس هو مش كامل

مهاب:آخر صفحة فى الكتاب مش بالترتيب الى مكتوب  
جميلة :لا أنا قرىت لحد ما كتبت وقعدت أأقلب فى الكتاب

لقت الباقي فاضى

مهاب :كله فاضى إلا آخر صفحة

جميلة بأستغراب :بجد طب ينفع أشوفها

مهاب مادا يده بالكتاب

الصفحة الأخيرة

**2019\6\26**

خلدت

"حتى بعد أن أتانى الموت ووقفت أمام رجلا أدعى عشقى  
مصوباً ناحيتى الموت!"

بعثت

وهو أمام عيناى يدعى عدم معرفتي  
منتظرا أن أعود كما كنت  
ولكنني حينها كنت مولودة جديدة لم تعش من قبل  
باعثة من موت حياة انتهت بالفناء  
واليوم عادت حياتي من الفناء  
لتستجدي لأنقذها  
من عاشق كذاب ."

قلبت الصفحة لأجد مكتوب عليها  
أنا ناريمان تلك العنقاء  
أموت فالיום مئة مرة وأبعث مرة أخرى  
تلك ليست المرة الأولى ولا الأخيرة لي  
كانت مرة الأولى حين عشقتك يا عمرو  
ولم تبادلني ذلك العشق  
ومرة الثانية  
عندما تركتني بطفلتان وحيدة لا أقدر على شئ  
ومرة الثالثة  
حين أعتقدت أنك تحبني  
مهاب أم أدعوك الطبيب مهاب بشكل لائق  
حرقنتي بحبك المزعوم  
وأرهقتني بكذبتك اللعينة تلك  
تذكرني أيها الطبيب المخادع  
مرة الرابعة  
حين قذفتني بالموت يا مهاب  
لأسقط بأحضانك  
المدعية الحب

لأبعث بأحضانك أيضا  
وكأنني وردة يسكنها الشوك  
وتتمتع بسكونه داخلها  
تلك المرات الأربعة  
قتلوني  
ولكنني عنقاء  
والعنقاء لا تمت .

تساقطت دمعاتي وأنا متذكرة ما حل بي من الأم  
متذكرة تلك القطرات الهابطة من عيناى وأنا أكتب تلك  
الكلمات الحارقة  
لم تكن طغناى عادية  
كانت خيانه  
من زوجى  
صديقى  
صديقتى  
كانت خيانه  
والخيانه أشد ألما من القتل

رافعة أنظاري ناحيته لأراه  
يحاول للمرة الثانية أن يرميني بالموت  
متألما من ذلك الحظ البغيض .

الى اللقاء فى الجزء الثانى .....